



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

LVI. Vt episcopi qui ordinantur, ab ordinatoribus suis epistolas accipient,  
quae diem & consulem praferant.

**urn:nbn:de:hbz:466:1-14918**

ANNO CHRISTI 414 decreuit sententia, nostro assensui mancipabuntur, ut quæ præteriorum Conciliorum gestis tenentur Carthaginensis ecclesiæ, nostra assensione plene apud omnes firma teneantur. Vniuersi episcopi dixerunt: Hic ordo & a patribus & a maioribus seruatus est, & a nobis, Deo propitio, seruabitur, saluo etiam iure primatus Numidiæ & Mauritaniæ.

*De archibo & matricula Numidiæ.*

**D**EINDE placuit omnibus episcopis, qui in hoc Concilio subscriberunt, ut matricula & archibus Numidiæ apud primam sedem sit, & in metropoli, id est, Constantina.

LIV.

De Quodvultdeo etiam Centuriensi (quoniam aduersarius ipsius cum se petisset introduci ad Cœcillum nostrum, interrogatus vtrum cum eo vellet apud episcopos experiri, primo promiserat, & alia die respondit hoc sibi non placere, atque discessit) placuit omnibus episcopis, vt nullus eidem Quodvultdeo communicet, donec causa eius, qualem potuerit, terminum sumat. Nam adimi ei episcopatum, antequam causæ eius exitus appareret, nulli Christiano videri iure potuisset.

LV.

De Maximiano autem Bagaiensi, & ad eum, & ad ipsam plebem placuit de Concilio literas dari, vt & ipse ab episcopatu discedat, & illi sibi alium requirant.

LVI.

Deinde placuit, vt quicumque deinceps ab episcopis ordinantur per prouincias Africanas, literas Et in Mile-  
14 Cod. Can. cap. 89.  
cap. 89.

ANNO  
CHARII  
414

accipiant ab ordinatoribus suis, manu eorum conscriptas, continentes consulem & diem, vt nulla alteratio de posterioribus vel anterioribus oriatur.

## LVII.

Dicit 72.  
Placuit vt  
quicunque.  
Et in Mile-  
nitano cap.  
15. Cod. Can.  
cap. 90.

Item placuit, vt quicumque in ecclesia vel semel suscepito officio legerit, ab alia ecclesia ad clericatum non teneatur. Et subscripterunt: Aurelius episcopus ecclesiae Carthaginensis, huic Decreto consensi, & prælecto subscripti. Similiter & ceteri episcopi subscripterunt.

*IN HOC CONCILIO, QVID EGERINT  
episcopi, qui ad transmarina legati diresti  
sunt, intimatur.*

De hoc Cō-  
cilio vide  
notas in  
Concilium  
Africanū I.  
sub Inno-  
centio.

**G**LORIOSISSIMO imperatore Theodosio Augusto & Rumorido viris clarissimis consulibus, VIII. Kalendas Septembbris, Carthagine, in basilica regionis secundæ, cum Aurelius episcopus in vniuersali Concilio consedisset, adstantibus diaconibus, Aurelius episcopus dixit: Exigente ratione, fraternitas vestra a mea tenuitate ad hoc Concilium congregata est. Iamdudum enim, ( sicut vestra sanctitas recordatur ) habito Concilio, destinauimus fratres nostros ad transmarina legatos, quos oportuit in coetu sanctitatis vestra perfunctæ legationis cursum narrare. Et licet hesterno die de hac re considerantibus nobis, præter gesta ecclesiastica diligentius, quæ gesserint, tractaremus, hodie tamen oportet tractatum hesterni diei actis ecclesiasticis confirmari.

*DE EPISCOPIS PROVINCIARVM AFRICAE  
qui non adfuerunt præsenti Concilio.*

**O**RDO itaque rerum depositit, vt primitus de fratribus nostris & confederatibus, qui ad hoc Concilium vel de Byzacio, vel certe de Mauritania conuenirent, quæramus, quemadmodum huic Concilio decreuerint interesse, & offerentibus Philologo, Geta, Venutiano